

Q. D. B. V.

THESES

INAUGURALES

MEDICO-CHI-

RURGICÆ,

*Quas ex Decreto Gratiſſæ**Facultatis Medicæ,*

PRÆSIDE

D. RUDOLPHO JACOBO

CAMERARIO,

Medicinæ Professore Ordinario,

Patrono ſuo Honoratiſſimo,

Pro

LICENTIA,

*Gradum Doctoris in Medicinâ**& Chirurgiâ legitime**conſequendi,*

Publico Eruditorum Examine ſubmittit

LEONHARDUS HURTERUS,

Scaphuſâ-Helvetius.

Ad diem Martii, hor. locoq. ſol.

TUBINGÆ.

ANNO MDCCVIII.

Literis JOH. CONRADI EITELII,

Virō Illustri & Excellentissimo,

DOMINO,

JOHANNI JACOBO MEJERO,

de Mejenburg/

**Sereniss. Württembergiæ Ducis, &
Diverfor. S. R. Imp. Magnatum
Archiatro Celeberrimo,**

**Academiæ Cæsareo-Leopoldinæ
Naturæ Curiosorum Collegæ
Meritissimo,**

*Domino suo Avunculo, Præceptori,
& Patrono summè Venerando,*

Theses suas Inaugurales dedicat,

Cum submissâ gratiarum actione

Pro innumeris beneficiis,

In perpetuam sui commendationem,


Autor & Respondens.



Σ. Θ.



Eniens modò à Nosocomiis ad Acade-
miam, à castris ad cathedram, à curatio-
nibus ad disputationem, videbar mihi
omnium optimè facturus, si Dominis meis
Opponentibus Exoptatissimis proposuero non tam co-
gitationes aliorum quàm proprias observationes, idq;
animo etiam non tam docendi quàm audiendi iudicia
doctiorum & peritiorum, ut per reflexiones penes
animum meum super operationes prateritas profi-
ciam ad agendum posthac eo melius res meas. Fa-
veat huic instituto Divina Bonitas, qua clemen-
ter adeò mihi adfuit in bellorum & morborum tur-
bis & periculis! Velit ò utinam porrò esse me orga-
non suæ misericordiae pro subievandis agris! Tu au-
tem B. L. fave, & quicunque meliora docueris ha-
be velin antecessum gratias, non sine voto, ut valeas
& vivas liber & immunis à morbis, quos
passim minantur causæ totu-
plices!



DECAS

Thes. Medico-Chirurgicarum.

1.

Non est universale, ubi fissum fuit à violentiâ externâ cranium, ibi semper sequi vomitus biliosos, effluxum sanguinis ex naribus & auribus, surditatem, convulsiones & id genus alia. Vice versâ, non absolutè statui potest, ubi ab ictu vel casu vel ab aliâ quâdam causâ violentâ vomitus, privatio sensuum, & convulsiones sequuntur, semper adesse fissuram vel fracturam cranii.

Juvabit hæc theses, cum sequentibus, declarare & confirmare per suas historias: In obsidione primâ Landavii contigit, militem in cuniculis apertis globulo ita vulnerari trajectim, sed obliquè, ut aliquale vulnus, quod magni non æstimabat, super os bregmatis sinistri haud procul à conjunctione suturæ sagittalis cum coronali reportarit. In castra reversus ad Chirurgum suæ centuriæ sese confert, ut ab illo sese obligari curaret. Quo superficialiter factò, sauciatus eâdem methodo per aliquot dies sed sine fructu tractabatur. Forte fortuna superveniens specillo exploravi, & vulnus haud simplex sed cum fissurâ cranii conjunctum esse perspexi, utut sine istis symptomatibus, quæ vel à commotione cerebri statim, vel à pressione, irritatione, inflammatione ipsius aut meningum, ob effusum cruorem vel abscedentes festucas, suboriri aliâs solent; unde in nosocomium nostrum castrense est missus, & statim alterâ

terâ die secundum artem incisionem instar crucis sustinuit. Nudato cranio res fuit propalam: siquidem istic fissura erat cranii haud mediocris magnitudinis, unde non tam propter statum præsentem, quàm metuendum futurum trepanatione opus erat, post quam feliciter peractam æger tam internis quàm externis secundum artem tractatus intra sex hebdomadas sanitati fuit restitutus.

Ad alteram theseos partem hoc spectat: Cùm Argentinæ quondam Xenodochium Gallorum frequentarem, interveni, cùm hortulanus quidam inter jocandum ab ancilla rustica in ossis frontis partem superiorem & exteriorem lapide percuteretur, undè levissime quidem sauciatus, ita ut extrema cutis solummodò perstringeretur, tamen quasi fulmine ictus statim ad terram defluerat, nec per 6. horas ad se redierat. Inter hæc Vomitus enormes, & biliosi, nec minùs horrendæ convulsiones sequutæ sunt, & frendebat valdè dentibus, ut unusquisque credidisset, paulo post ad plures esse migraturum. Domum verò vectus statim lecto jam calefacto imponebatur, vena aperièbatur, spirituosâ remedia, & quicquid ad excitandum valere poterat, ministrabantur. Quia jam nox appetebar, incisio in crastinum diem fuit dilata, ut deinde trepanatio institueretur, cùm omnes de fissurâ suspicarentur. Accidit verò, ut circa mediam noctem ex statu tam ancipiti spontè liberâ diris istis symptomatibus expergisceret, & cibum ab adstantibus expeteret. Interrogatus ab amicis, quo modo sese habeat, respondit, se bene valere & in crastinum diem in rus sese recepturum esse, quod etiam fuit factum, nihil enim porro doloris sensit, nec unquam post-hac: miro exemplo commotionis cerebri, apparenter parvæ, gravium tamen affectuum causæ, (cui enim alii principio illos imputavero) citò & feliciter restitutæ, non in tantum, sed in totum.

II.

Vbi cranium detrimentum fuit passum, isthîc per carnem quâdam à durâ meninge progerminantem, & osseam duritiem cum tempore obtinentem, resarcitur. Cranium verò sicubi à cute & pericranio fuerit denuatum, paucis diebus ne ab aëre externo afficiatur, carne quâdam investiente obduci potest.

Civis inter pocula à milite ictum gladii recepit super os bregmaris sinistri, sic ut penè palmæ latitudine cum annexa cute dependeret, & indè dura meninx tota nuda in conspectum veniret; Hîc, quoniam pars cranii non in totum erat abscissa, sed suâ extremitate cranio in tantum adhuc annexa, credidi ipsam fortè apta conjunctione adhuc posse reüniri; sed frustra, cùm Vulnus non liceret satis jungere, imò quandoque oporteret parum dilatari, ut materia & sanguis duræ meningi incumbens, malè ipsam gravaturus, aut infecturus, eximi posset. Interim pars illa cranii propemodum abscissa post tres septimanas facili negotio instrumento auferri potuit, penè sua sponte à cranio secedens. Abhinc autem totum illud spatium sensim sensimq; carne quâdam ex durâ meninge succrescente occupatum & occlusum, eo ipso permisit cute adhuc integra totum vulnus plenè obtegi & consolidari. Sicuti autem cranii foramen oppleretur aut ablata portio restauratur; Ita cranium fortè nudum è sua substantia carnem sese obtegentem, ne ab aëre externo lædatur, progignit, uti sequens historia docet: Miles quidam ab alio milite fuste percutiebatur eâ violentiâ, ut in osse bregmatis dextri tumor ovo anserino æqualis elevaretur. Oportuit ergò aperire tumorem istum, ut sanguis contentus & extravasatus efflueret; Ut autem periculum etiam omne effugeret, & ne lupo in stabulo remaneret, cranium denudavi à pericranio, ut si fissura quædam lateret, illa decenti methodo tractari

ari posset; Quum verò ne minimum fissuræ deprehenderetur, nec suspecta oborirentur symptomata, quantocyus operam mihi dandam censui, ut cranium mox iterum obregerem: Hic ergo sequutus methodum Cl. Belloste per trepanum acu instructum hinc & inde Cranium diploen usque perforavi, & hac methodo paucis diebus cranium iterum carne vidi obductum, aëre interim nihil quicquam munditiem cranii alterante aut corrumpente.

III.

Sunt cavitates interdum in ossis frontis parte inferiore, super orbitas oculorum cava, ibi si contingat cranii laminam externam effringi, sic ut spatium quoddam per detrimentum fuerit factum, non citius sanabitur vulnus, quam illud carne ab interiori parte fuerit repletum.

Miles in discrimine globulo fuit trajectus per superiorem orbitæ oculi dextri partem, seu basin ossis frontis: sic ut fractura transversim secundum ductum superciliarum fuerit facta. Cum à Chirurgo suæ Centuriæ per aliquot hebdomadas fuisset tractatus, & vulnus non magni momenti æstimaretur, nec tamen ab illo curari posset, tandem in Nosocomium castrense fuit perductus. Examinato vulnere per specillum, animadverti multa ossis fragmenta curationis obstacula, idcirco incisionem institui transversam secundum tractum superciliarum, ut in conspectum fractura veniret. Quo facto diversæ magnitudinis ossis frustula eximi poterant. Patuit hinc læsio ad usque unam illarum cavitarum, quæ non æquè in omnibus, sed in quibusdam craniis majores adsunt, quâ conspectâ diu dubitavi, quid hæc in re fieri deberet, anceps autem hærens animadverti, quod natura, quæ alias pro individui conservatione dicitur & notatur sollicita, post quartam hebdomadam carnem sub applicatione debitæ medicamentorum intus foras crescens

scientem produceret. Hanc ergo sequens, juvans, cavitatis illius postquam obtinuissem oppletionem vulnus posthac externum brevi temporis spatio ad finem potui perducere, & liberare etiam ægrum à fluxu puris ex oculo sub palpebrâ prius tumefactâ.

IV.

Oculi totius antici Pannus remediis externis mercurialibus sine damno, interdum auferri potest, ut experientiâ didici.

Adolescenti sedecim annorum, staturæ procerioris, acuti ingenii, temperamenti sanguinei, obducebatur pannis brevi admodum tempore uterque oculus, ex causa non satis nota. Tale & tantum erat hoc velamen, ut neque tunica adnata neque cornea amplius posset distingui, sed instar carnis recentis apparerent omnia. Parentes tali malo valde afflictî, undique auxilium quærebant, sed frustra, inter has querelas incidunt in virum alias bonæ fidei, qui filiolum XII annorum habuerat ante semestre consimili malo etiam correptam, sed jam restitutam. Magno itaque affecti gaudio intensè eum rogabant, ut ipsis in sua calamitate quantum liceret auxilium afferret, quare misericordia commotus illis formulam medicamenti ex unguento rosaceo & mercurii præcipitati rubri unâ parte vigesimâ quartâ compositi communicavit; hoc unguentum singulis diebus mane ac vespere pisi magnitudine sindoni vel linteo tenerrimo inclusum hiatibus palpebrarum applicabatur, simul oculi aptis fasciis & linteis ne lumen noxam afferret firmabantur, exhibitis interim singulis mensibus pilulis purgantibus cephalicis ita dictis. Hac Methodo puer tribus mensibus sanitati fuit restitutus & adhuc quantum scio sanus est.

V.

Hernia quædam intestinales victu tenui, quiete, medicamentis & commodo subligaculo intereaum sine sectione curari, sæpius sic satis commode tolerari possunt. Herniotomia est aliquando infida curatio, & eam perpeSSI etiam sanati, tamen versantur in periculo recidivæ periculosioris.

Novi Virum Nobilem qui per duodecim annos à juventute herniâ intestinali laboraverat, cui videbatur necessum certâ de causâ uti victu tenuissimo, (die Hunger Cur) & per aliquot hebdomadas maximam partem lecto affigi, non tam propter herniam illam intestinalem, quam propter alium affectum, qui hæc requireret & postularet. Huic tam felici licuit esse, ut finito tenuis victus tempore hernia illa præter intentionem simul evanuerit, nec amplius ad hoc usque tempus vel minimum in conspectum redierit: Ad exemplum illius Consulis Bernensis apud Fabr. Hildanum, Ex alterâ parte Militem novi, qui ante aliquot annos herniotomiam fuit perpeSSus, sed cui jam eodem latere, ubi cicatrix prioris vulneris herniæ, intestina iterum prorumpere conantur, ut nisi commodo subligaculo prolapsum præmuniverit, gravius videatur periclitari, & eo modo, quo à fide digno Chirurgo accepi obiisse rusticum post annum ab operatione, cum improvidè scamnum esset ascensurus, prolapsis per disruptam cicatricem cum impetu intestinis, irreparabili damno, ad mortem tertiâ inde horâ subsequutam. Commodum autem instrumentum pro coercendâ herniâ illud habeo, quod ex benè temperato chalybe paratur, accuratè conveniens cingendo medio homini, cum laminâ anticâ, per cochleæ gyros ad exigentiam ventris & sitûs corporis, deprimendâ: sed hæc non tam possunt dici, quàm monstrari.

VI.

Hydrocele aliquando speciem Sarcocelès assumit & repræsentat, ut ab hac difficulter distingui possit.

Librator Tormentarius in discrimine fugam capeffere coactus, & inter fugiendum prostratus, ab equitatu valdè fuerat conculcatus. Abhinc quidem statim aliquo modo partes genitales intumuerunt, & per tres menses, sensim tamen magis magisque Scrotum cum testiculo dextro in extraordinariam magnitudinem excrevit, in quâ deinde perstitit. Diu à diversis Medicis & Chirurgis fuerat disputatum, qualis isthæc esset hernia & quo nomine esset appellanda. A quibusdam pro Sarcoccele habebatur, ab aliis, verò hernia intestinalis esse judicabatur; tumor enim non erat mollis & pellucidus, ut aliquando conspicitur hydrocele, ad lucem candelæ appositæ, sed hic durus fuit & renitebatur. Signum, quo certior fierem affectûs, habui in fundo scroti: Scrotum enim compressum eo modo in fundo sese habebat, sicuti vesica aqua repleta, aliquem fluctuationis sensum ibi offerens, nisi quòd aqua istic profunde latuerit, ut difficulter cognosci posset. Malo itaque ultra annum protracto, incisso vel tandem fuit instituta, effluentibus quidem primò paucis cochlearibus aquæ claræ, cruore mox suffusæ, cum madore tamen & stillicidio porro largiori per supervenientem suppurationem, sub quâ contrahi scrotum, minui tumor testiculi cœpit, ad naturalem magnitudinem post quatuor septimanas recuperatam.

VII.

Visus fuit terebinthina solius nimius usus gonorrhœam virulentam non tam sustulisse, quàm superinduxisse testiculum Venericum.

Qui ab amplexu impuro Gonorrhœam reportaverat, curationi cujusdam Chirurghi recens adhuc malum commisit, & obtinuit ab ipso, missis refrigerantibus, statim Terebinthinam cum aquis destillatis & vitello ovi in emulsione formam, item in pilulas, sicutamen sistentibus, redactam: Quid contigit? aliquibus diebus post, ex quo dicta Medicamenta assumerat, testiculus dexter intumescebat. Chirurgus aliàs uti res est propalam horum morborum non satis peritus, nesciebat illa medicamenta hunc affectum causari potuisse. Idcirco ægrotantem cordatè est allocutus, ut bonæ esset spei, & promittebat hoc accidens iterum sua sponte esse cessaturum. Indies autem horum Medicamentorum usu tumor accrescebat. Idcirco omisâ vel tandem hujus methodo, alia quærere & experiri cœpit, & perrexit, sed medelam non invenit mali pertinacioris. Cum enim aliis per interna diuresin moventia, per & externa cataplasmata s. epithemata, tales testiculi Venerici soleant reduci in statum pristinum: Illi perferendus erat tumor in alterum annum, & subeunda ultimò Mercurialis salivatio; non sine successu tamen, quippe sub & à quâ demum obtentum fuit molis præternaturalis decrementum.

VIII.

Magna observatur differentia in curatione gonorrhœæ virulentæ, dum quædam individua ita satis facile, alia difficilimè, imò

ne heroicis quidem medicamentis ab eâ liberari solent, aut liberati visî facile patiuntur recidivam.

Specimen tentaminum omnis generis & plurimorum, tamen frustraneorum, atque adeò singularis pertinaciæ, audivi ex quodam, quem virulenta fluxio tenuit & gravius & diutius, quàm plures socios, & quem destituerunt & metho dus & medicamenta, quibus inclaru-
rat Chirurgus, cujus primùm curæ se commiserat, Adhi-
bitis enim & absolutis remediis, quibus ille antehac per-
multas gonorrhœas fugasse & radicitus extirpasse diceba-
tur, hic tamen permansit in statu suo tristi & tædioso. Eius
impatiens & medicamentorum in dies deglutiendorum per-
tæsus, extrema pati decrevit. Idcirco salivationem pro-
vocare jussit, & eam sustinuit, sed frustra. Siquidem go-
norrhœa in eodem coloris gradu & mole perseveravit;
quod quidem & aliis obtigisse alibi docemur à Sydenhamo.
Posthæc aquæ minerales s. Thermæ Carolinæ etiam sunt
adhibitæ, quæ quidem uti apparebat, plus præstiterunt
quam antecedentia remedia, dum color materiæ viridis
in flavum & ex flavo in albissimum sese mutaverat, & fluxus
tandem planè evanuit, sic ut magna lætitia, sed nimis præ-
coci, fuerit affectus; nam recidivus post paucos dies ite-
rum fuit factus, & materia tantâ mole rursus effluere cœpit,
ac nunquam antehac.

Liceat hâc occasione meminisse phænomeni rarioris,
quod præbuit hic ipse nobilis, equitatione, complexu, aliis-
que occasionibus tot recidivas expertus. Scilicet à simili
motu aliquando per triduum sustinuit jugem & largum flu-
xum materiæ non communis, ordinariæ, sed aquæ instar te-
nuis, claræ, inodoræ, cum dolore horrendo inter mingen-
dum, &c. profuere ipsi tum injectiones, & per gradus inde
cœpit

cepit decrefcere gonorrhœa ad novam fpem, fed iterum non firmam, quin more folito infidam, præprimis apud tales calidos, rubicundos, multi fanguinis & feminis, non obftante inveterato fluxu & cum ipsâ fiftufoâ difpofitione adhuc tamen venereos.

IX.

Mercurius poft inunctionem in corpore remanens, falivatione per eum non obtentâ, ope Auri, uti quidam exiftimant, non femper ita facile è corpore fugatur.

Iterum exemplo fuit non è vulgo quidam Lue Venerea infectus, temperamenti quidem phlegmatici, & habitûs corporis obefi atque fubtumidi; Qui cum opem expeteret tam à Medicis quàm à Chirurgis, ab illis collegialiter fuit decretum, fuftinendam ipfi efle curationem falivatoriam. Confenfuit æger & fubiit nolens volens; cum autem certâ dofi unguenti ptyalis aliàs falivationem procurante fuerat inunctus ritè, ne indicium tamen futuræ falivationis præbuit. Dofis mercurii exauebatur, & inungebatur porro æger fecundâ non modo vice, fed infuper tertiâ, omnibus tamen irritis, fine exoptato ptyalifmo, confirmans illud Sydenhami: certis perfonis ipfo mercurio difficulter vel planè non falivam poffe moveri. Interim hic, per mercurium fruftrâ tentatus, obnoxius fit diro capitis dolori, per annum & quod excedit graviter adeò favienti, ut fæpiùs extremum fibi diem optarit æger, præcipuè, quia juxta proverbium nulla calamitas fola: præter enim hanc paffionem fuperam, privabatur fimul brachiorum atque pedum movendi potentiâ. Varia indè medicamenta adverfus tam dolorem quàm mercurium è corpore expellendum, & imprimis ex auro parata, adhibebantur; fed incaffum. Tandem benigniori fato commendatum fuit ægro decoctum

evporiston ex paucis radicibus, cum balneo laconico: Horum utique usu plus obtinuit, quàm nobili metallo, præsentissimam enim opem inde persensit, & recuperavit non modo movendi potentiam, sed etiam diebus non multis hâc methodo ab atroci liberatus fuit cephalæa istâ, etiamsi mercurium alicubi prodiisse non constiterit.

X.

Faciliter succedit curatio Exostoseon, s. Gummatum Gallicorum, si post sectionem ipsis applicetur remedium externum appropriatum.

Miles à lue Venereâ jam in eum morbi statum devenerat, ut in capite & tibiâ alterâ tophos ostenderet; huic varia topica medicamenta sunt admota, sed sine ullo fructu. Interna medicamenta haud pauca degluriebantur, sed etiam incassum. Interim ægotans sanitatis cupidus extrema perpeti decrevit; idcirco transversim sectione institutâ cœpi applicare fistulum radicis cujusdam, nec exoticæ nec pretiosæ, siccum, quæ singularem suam efficaciam hoc ipso evidenter comprobavit, quòd procurato largo inde liquoris effluxu tumor subsidere cœperit, imò continuatâ istâ methodo post tres hebdomadas ab istis gummatis

æger planè fuerit libera-

tus.

COROLLARIA.

I.

Qui fissuram accepit penetrantem transversim per suturam sagittalem, opus habet trepanatione ad latus utrumq.

I.

Capillos agri ictu sclopeti, fissura cranii radiosissime incantamenti (ut loquuntur) instar impactos, cum admiratione aliquando vidi.

II.

Qua non modo junioribus, sed & senibus interdum ex aure manare solet materia, natura relinquatur, ne suppressa gravius quid inferat.

IV.

A defectu uvula non semper laeso loquela; Periculum tamen phthiſeos.

V.

Humerus in suo articulo plerumq; à sclopeti globulo vulneratur lethaliter.

VI.

Palmones globulo trajici aliquando sine vita discrimine, & feliciter posse curari, experientia docuit.

VII.

Liberatus Vir à Sarcomate super pectus, mihi comprobavit laudem gummi galb. & ammon.

VII.

Cancer Venereus facilius cedit mercurialibus lenissime corrosivis, quam fortissimis causticis.

IX.

Ulcera & fistula tanquam longo tempore jam facta corporis emunctoria, non temere sunt sananda.

X.

Trifolio fibrino junxisse Pinum profuit militibus ad rhenum scorbuticis cum liviis cruribus &c. Imò forte fortuna unicorum simul cum testiculo Venereo.

QUod separant plures, prudenter jungere tentas,
Vulnera sanando mente simulque manu.
Perge bonis avibus: dabit incrementa Supremum
Numen & in terris undique faustus eris.

p. l. m^q₃ Clarissimo Dn. Lic.
Joh. Wolfgang Jäger, Cancell. Tubing.

QUàm benè conveniunt laudes Medico-Cheirurgi,
Dexteritas manuum, judicii bonitas.

Accinit Candidato gratulabundus

PRÆSES.

NOlo HURTERE Tuas operoso extollere laudes
Carminè, sed paucis dicere multa volo;

Dulcia non meruit, qui non gustavit amara,

Nulli per ventos assa columba venit;

Multa ubi pertulimus, sudavimus, asinus, omnes

Per Varios casus præmia digna manent,

Facta Virum monstrant TE Chirurgumque peritum,

Et posthac faustam Fata viam invenient!

*Paucis hisce Clarissimo atq₃ Meritissimo Dno Li-
centiato Respondenti, Amico & Convictori suo
charissimo qualibet felicia animitus precatur*

Joh. Adam Osiander, D. Prof. Sereniss. Würtemb. Ducis
Extraordinarius, & Peliater Tubingensis.

CHirurgi Mediciq₃ operas quas præstitit Hurter
Dexteritate pari, *Mars & Apollo* probant.

Pro meritis Ipsum mox cinget purpura; latus

Interea applaudo, prospera quæque precans.

bona fide manuq₃ in honorem Praclarissimi Dn. Candidati contulit

Jacob. Wendel. Simonius, Medic. Candidatus,
Lithotomus, & Chirurgus.

AD virtutis iter gaudet patientia duris

HURTERI exemplo castra per & studia,

De quo vera loquor: tandem bona causa triumphat.

Atque Viros magnos Gloria magna manet.

*Nobilissimo atq₃ Clarissimo Dno Licentiato, Fautori
& Amico suo honoratissimo, Conterraneo atq₃ per pau-
cas hebdomadas Commensali per dilecto grat. scrib.*

Henricus Særa, Schottnovius à Zavorzitz, Scaph. Hely.